



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. An & quanam ratione videntium essentiam Dei, vnus alio perfectius
Deum videat.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

d. 43. cap. 1. cum alijs simpliciter negant, concurtere ad visionem in genere causam materialis, & dispositiua ad recipiendum. Sicut enim intellectus potest per potentiam passiuam obedientialem immediate recipere ipsum lumen gloriae; ita etiam visionem beatificam, cum utrumque sit æque supernaturale. Et si ad actus charitatis, aliarumque virtutum supernaturalium, qualiteruis supernaturales recipiendos, non prærequisitur quædam dispositio passiva, cur ad recipiendam visionem? Neque vero S. Thomas auer oppositæ sententia, quam refutauimus. Non enim docuit, lumen gloriae esse dispositionem ad visionem recipiendam, sed porius ad efficiendam ipsam, ut superius dictum; & recte etiam quoad hoc notauit Sotus in 4. d. 49. q. 2. art. 4.

10 Tertia pars, non concurrere per modum speciei intelligibilis, est contra Vasquez cit. disput. 43. cap. 7. satiisque probata manet ex dubio præcedent. affert 4. Quibus addo, oppositam sententiam plane confundere efficientiam ex parte potentiae, cum efficientia ex parte obiecti: cum virtusq. sit ratio diuersissima, vt videre est tam in habitibus voluntatis, quam intellectus. Aliud enim est species intelligibilis, ex parte obiecti supplex activitatem obiecti; aliud habitus operatius, ex parte potentiae, supplex defectum virtutis operatiuus ipsius potentiae: hoc facit lumen gloriae, ut expressè etiam docet S. Thomas q. 12. a. 5. non illud.

Neque propterea, quia Deus per modum speciei concurrit ad visionem, consequitur, lumen gloriae non esse necessarium, ut ratiocinatur Vasquez: quod perinde est, ac si quis dicat, ad actum fidei dari in intellectu speciem creatam; Ergo non opus est habitu fidei. E contrario vero si lumen gloriae per modum speciei intelligibilis, sive impressa, concurreret ad visionem, tunc sane fatendum esset, intellectus cum solo lumine gloriae, non esse integrum principium efficiens (per modum causa secundæ) ipsius visionis: quod tamen ibidem cap. 6. contendit Vasquez: sed adhuc vterius defectus principij efficientis particularis à Deo splendens foret; non minus quam si in intellectu esset quidem species intelligibilis representans veritatem diuinitatis reuelatam, non tamen esset in eo habitus supernaturalis fidei, intellectum perficiens a credendum.

11 Quarta pars, non esse solam conditionem, est contra quosdam apud eundem Vasquez d. 43. num. 24. Probatur. Tum quia non potest explicari, cur requiratur talis conditio, si non habet propriam causalitatem. Tum quia si lumen gloriae solum est conditio, sequitur, intellectus etiam accedente lumine, nondum sufficienter esse instruatum ad elicendam visionem, ut mox dicetur.

Vnde probatur Quinta & ultima pars. Qui de fide certum est, naturales animas potentias non esse per se, etiam in actu primo, ita instructas & perfectas, ut sufficientem & completam vim & efficacitatem habeant, ad elicendos actus intrinsecè supernaturales, qualem esse diximus visionem beatificam, ut suo loco docetur de Gratia 1. 2. quæst. 119. Ut ergo ad id connaturaliter, ac in actu primo sufficientes ac potentes reddantur, de-

bent aliquo auxilio supernaturali superaddito elevari ac perfici: tales sunt supernaturales habitus, seu in voluntate, seu in intellectu; ac in proposito ipsum lumen gloriae: qui proinde etiam ipse est habitus supernaturalis operatius, & quidem omnium præstantissimus, ut alibi docetur.

Ex quo fundamento etiam facilimè soluuntur omnia argumenta, quæ contra necessitatem luminis gloriae, etiam supposito concursu Essentiae diuinae, per modum speciei intelligibilis, à Vasquio, & alijs obiciuntur; vt opus non sit in illis soluendis habere. Quomodo autem, cum ad visionem nulla concurrat species impressa creata, intellectus agens, prout à possibili re vel ratione distinguitur, nullum ad visionem concursum habeat, ac proinde etiam ex sua parte opus non habeat auxilio luminis gloriae, ut vnde ipsi villam aut efficacitatem in ordine ad visionem Dei conferat, recte & facile post Capreolum in 4. dist. 49. artic. 3. quæst. 2. explicat Vasquez disput 45. cap. 2. quicquid in contrarium dixerit Richardus d. 49. art. 3. quæst. 2.

D V B I V M V.

An, & quanam ratione, videntium essentiam Dei, unus alio perfectius Deum videat; num ob solam etiam maiorem perfectionem naturalem intellectus.

S. Thom. 1. p. q. 12. a. 6.

Pocedit hæc quæstio non solum de animabus, seu hominibus beatis, sed etiam de Angelis; sive inter se, sive cum hominibus conferantur. Nec est fere nisi cum hereticis controversia quoad questionem An est; sed de modo tamen & ratione, seu causa eius diuersitatis Scholastici etiam hodie inter se disceptant, ut inferius patet.

Affirmatio I. Beati non æquali perfectione omnes diuinam essentiam contineantur; sed alii perfectius, quam alii. Ita S. Thomas hic quæst. 12. art. 6. & in 4. d. 49. quæst. 2. art. 4. & in 3. cont. gent. cap. 56. alijque Scholastici omnes ibidem singulis suis locis. Et est de fide contra Iouinianum apud S. Hieronymum lib. 2. contra eundem, qui docuit, paria esse omnia Beatorum præmia & merita. Idem fere docuit Lutherus in sermone quodam de Nativitate B. Mariae Virginis: quem communiter sequuntur huius temporis sectarij ex eo fundamento, alibi refellendo, quod homines formaliter sint iusti, per ipsam iustitiam Christi: quos refellit Bellarminus lib. 3. de iustificatione, cap. 16.

Probatur assertio ex Scriptura Ioan. 14. v. 2. In domo patri mei mansiones multæ sunt, 1. Corinth. 15. v. 41. stella differt a tell. claritate; scilicet resurrectio mortuorum, 2. Cor. v. 6. Qui parere seminat, parere & metet; & qui seminat in benedictionibus, de benedictionibus & metet.

Quibus locis etiā SS. Patres speciatim S. Hieronymus loco citat. & S. Augustinus lib. de sancta virginitate. contra Iouinianum vñi sunt; proinde iam olim etiam à SS. Patribus ob eum quoque errorē damnatum. Idem definitur in Concilio Theleni sub Siricio Papa, vel vt existimat Suarez lib. 2. de Deo Cap. 20. in alia quadam Synodo Provinciali Italica, cuius est epistola 81. ad eundem Siricum inter epist. S. Ambrosij. Idem habetur in Concilio Florentino sess. vlt. decreto unionis, vbi definitur, defunctos seu defunctorum animas (satis) purgatas in Cœlum mox recipi, & intueri clare ipsum Deum trinum & unum, scutis est; pro meritorum tamen diuersitate, alium alio perfectius.

Idem probatur optima ratione S. Thomæ ibidem. Quia vbi principium videndi est perfectius, illuc etiam est perfectior visio. siquidem perfectio effectus respondet perfectioni causa: sed lumen gloriae, quod est immediatum principium visionis, in uno perfectius est quam in alio, pro diuersitate charitatis & meritorum huius vitae; ergo & visio ipsa in aliquibus Beatis perfectior erit, quam in alijs. Quia ratio efficaciter concludit, saltem, si cetera sint paria. Plura inferius. Quia de causa etiam non audiendus Durandus in d. 49. q. 2. n. 27. qui etiā Catholicam doctrinam de inæqualitate visionis Dei fateatur veriorem & tertiorem, contraria tamen significat esse probabilem.

Denarius vero ille uniformis Matth. 20. v. 10. qui pro opposita sententia obiecitur, nihil aliud significat, quam idem obiectum beatitudinis Deum; seu eandem beatitudinis aeternitatem, seu vt loquitur Apostolus 2. Cor. c. 4. v. 17. aeternum illum gloriae pondus; minimè vero æqualem perfectionis modum in ipsa visione Dei; v. SS. Patres communiter, speciatim Hieronymus & Augustinus loc. cit. item S. Thom. 1. 2. q. 5. a. 2. & alij Theologii ibidem & in d. 49. interpretantur, & crede defendit Suarez lib. 2. de Deo cap. 20. à num. 8. contra nouam & singularem quādām expositionem Janßenij in Concord. cap. 101. & Vafquij disp. 47. c. 4. qui totam illam parabolā longe aliter, & ingeniose quidē, sed vt existimo parū ad textū accommodatè, interpretantes, ad solā distributionē gratiæ diuinæ, quā De⁹ diuidit singulis, prout vult, referit.

Assertio II. Non tamen ideo omnes homines inæquales futuri sunt in beatitudine: de Angelis res est incerta. Ita ex communi Suarez li. 2. c. 20. n. 7. contra Paludanū in d. 4. q. 1. qui sine fundamento dixit, omnes homines, & multò magis Angelos, futuros inæquaes in beatitudine. Siquidem de hominibus contrariū constat, in infantibus statim post baptismū mortuis; qui cū in æquali gratia ex hac vita decesserint, æquali vtique gloria patientur. Idem est probabilius de multis adulstis. De Angelis res est incerta ideo, quia non constat, an omnes & singuli specie inter se differant; vt suo loco dicetur: si enim non omnes specie differant, credibile est, aliquos gloriæ patres esse.

Assertio III. Diuersitas illa visionis Dei, seu perfectionis videndi Deum, non se tenet ex parte obiecti primarij per se vñi; quasi ex ijs, quæ in Deo formaliter existunt, plura videat, unus,

quam alias; sed ex parte ipsius visionis; eo quo d vna sit perfectior & clarior alterā, etiam respectu eiusdem obiecti primarij. Ita S. Thomas cum commentatoribus omnibus hic quæst. 12. art. 6. ad 3. & communis Doctorum in 4. d. 49. Ratio primæ partis est. Quia cum in Deo omnia, quæ in ipso sunt formaliter, sint vna simplicissima entitas & essentia ipsius Dei, impossibile est, essentiam videiri & non omnia illa videri; itaque aut totum quod in Deo est videtur, aut nihil: secus quam in rebus corporalibus & compositis accidit, vt recte Vasquez d. 47. num. 43. & magis patet contra nonnullos Scolasticos dub. 7.

Altera pars sequitur ex præcedenti; quia in visione ipsa Dei per se (seclusis obiectis secundarijs, que ad rem non spectant) duo tantū spectari possunt; nimis obiectū ipsi⁹ primariū, quod est De⁹; & modus ipse, seu intrinseca perfectio act⁹ vidēdi, quæ generali nomine dici potest claritas visionis: vt accedit in visu corporali, cū alijs perfectius & clarius eandē rem corporalibus oculis intuentur, seu ob diuersitatē luminis in obiecto, seu ob maiorem perfectionem ac perspicaciam oculorū.

Assertio IV. Diuersitas illa perfectionis, secundum quam in diuersis beatis variatur visio, non est essentialis sive specifica; sed solum individualis, posita in maiore vel minore intentione ipsius visionis: ac proinde visio Angeli non est secundū speciem perfectior, quam homini. Ita post Durandum in 3. d. 14. q. 1. num. 8. & in 4. d. 49. quæst. 6. Marsilius in 3. quæst. 10. art. 2. Sotum in 4. d. 49. q. 3. artic. 2. ex communi docent Suarez lib. 2. de Deo cap. 10. Vasquez disput. 47. Idem supponit in hac tota quæstione S. Thomas, præsertim a. 6. vbi generatim docet, inæqualitatem visionis solum oriri ex diuersa perfectione luminis gloriae, que proinde inæqualitas non potest consistere in aliqua differentia specifica; nec oriri ex diuersitate specifica naturarum intellectualium, à quibus elicitor visio. Idem docent etiam ceteri Thomistæ, vt mox dicetur.

Contrarium tamen sentit Maior in 4. d. 49. q. 11. qui vniuersim assertit, visionem Angeli, ex ipsa suaratione specifica semper esse perfectiorem, quam sit visio hominis; etiamq; uterque & paria merita, ac gratiam in via habuerint, & æquale lumen gloriae habeant. Probat. Quia visio humana, & visio Angelica necessario inter se specie differunt, tanquam effectus, qui à diuersis specie principijs postulantur, produci: non secus quam intellectio naturalis, aut etiam ipsa potentia intellectiva eiusdem hominis & Angelij: Ergo necessarij visio Angelica est ordinis superioris, & ex sua specie perfectior, quantacunque quoad intentionem fiat humanæ visioni accessio. Addit nihil minus Maior, non ideo tamen etiam visionem in ratione beatitudinis esse maiorem & perfectiorem.

Sed hæc sententia falsa est, & improbabilis, & contra communem Theologorum, vt dictum. Probatur assertio. Tum, quia alias, cum in visione constat beatitudo, quiis Angelus quovis homine, adeoque etiam Christo, effet

estet beatior; quia fieri non potest, ut perfectior visio ipsius essentiae diuinæ, non sit etiam perfectior beatitudo; iuxta commune illud axioma; sicut se habet simpliciter ad simpliciter, ita magis ad magis; quicquid Maior dixerit: atque hoc est erroneum, ut ait Sanctus Thomas 1. part. quæst. 108. artic. 8. & in 2. distinct. 9. quæst. 1. artic. 8. & lib. 3. cont. gent. capit. 53. & 57. cum in beatitudine homines futuri sint æquales Angelis Matth. 22. vers. 30. & Luc. 20. vers. 36. Tum quia habitus gratiæ & charitatis, tam in Angelis, quam in hominibus sunt eiusdem specie; ut cum S. Augustino lib. de correptione & gratia cap. 11. & lib. 12. de ciuitat. Dei cap. 9. & Anselmo de casu diaboli capit. 1. & seq. habet communis & certa Theologorum sententia. Ergo & lumen gloriæ, ut argumentatur etiam Sanctus Thomas quæst. 9. de verit. art. 1. ad 17. Ergo & visio. Quia ut recte referunt Sotus & Vasquez loc. cit. specifica diuersitas effectus desumi debet à diuersitate principijs non generalis, sed particularis & specifici: principiū autem specificum visionis constituit, tū ipsam esse essentia diuina per modum obiecti, & speciei; tum lumen gloriæ: quæ duo vniuersalem & indefinitam intellectus efficacitatem ad specificam rationem actus visionis determinant: Ergo si hæc specie non differunt in visione Angeli & hominis, nec ipsæ visiones inter se specie different. Quæ argumentatio pariter etiam procedit de actibus charitatis & virtutum supernaturalem. Addit Suarez n. 10. quod mihi etiam probatur; probabile esse, nec posse quidem de absoluta Dei potentia esse in visione Dei creatæ diuersitatem specificam; propter unam & eandem rationem invariabilem obiecti.

Ad fundamentum Maioris respondetur, posse à diuersis specie causis cūdē effectū specie produci; & visionem Angelicā ac humānā non requiriere specie diuersa principia, ex ratione sua specifica & essentiali, sed individuā tantū, seu accidentalī: nimis ratione subiecti; quia in Angelo est alia specie natura; & ex consequenti, alias specie intellectus, ut suo loco dicetur, quā in homine; cū tamē etiā aliis nō esset, nihilomin⁹ idē qui nūc est, in vitroque est effectus, ac essentialis ratio visionis.

Assertio V. Diuersitas visionis Dei, secundum maiorem perfectionem in tensionis, per se nō oriatur ex maiori perfectione naturali intellectus: ac proinde intellectus beati naturaliter perfectior, cū æquali lumine gloriæ, nō perfectius ac intensius videt Deū, quā intellect⁹ imperfectior. Ita S. Thomas hic q. 12. a. 6. in corp. & ad 3. vbi ait, attendendum esse diuersam visionem secundum diuersam facultatem intellectus non naturalem, sed gloriosam. Idem docent Henricus quodlib. 10. q. 6. Ferrarien. lib. 3. cont. gent. cap. 55. & 58. Sotus in 4. d. 44. q. 3. a. 2. Barthol. Medina in 1. 2. q. 3. art. 2. Bannes, Zumel, alijque recentiores Thomistæ hic quæst. 12. art. 6. item Molina a. 6. d. 2. Gregorius de Valentia q. 12. p. 4. Suarez l. 2. cap. 21. n. 4. Vasquez d. 47. cap. 6.

Etsi contrarium docuerint Scotus in 3. d. 12. q. 3. & in 4. d. 50. q. 6. Richardus dist. 49. art. 2. q. 8. Gabriel in supplem. eadem d. q. 2. a. 3. Maor q. 10.

Durandus, Paludanus in 3. d. 14. Holcoth in suis determinationibus q. 8. ar. 1. ad 4. quos sequitur. Caietanus in 3. p. q. 10. a. 4. in eandem sententia referens S. Thomam ibidē ad 2. sed sine causa. Fundamentum huius sententiae est. Quia quandounque crescit actiuitas principiij, siue cause adæquate sumpta, siue principalis illa sit, siue instrumentalis, simul crescit etiā perfectio operationis, ut inductione patet, & ratione; quia perfectio effectus, non minus quam ipse effectus, dependet a causa adæquate sumpta nō solū à partiā: sed in nostro proposito, quādo ceteris paribus, ex vni⁹ parte intellectus videntis naturaliter perfectior est, crescit actiuitas cause adæquate sumpta respectu visionis; quæ proinde actiuitas etiā perfectior est; Ergo etiā crescit visio; ac proinde maior est perfectio visionis tanquam effectus. Et confirmatur. Quia nō solū perfectior causa cū æquali instrumento, vel causa, sed etiā æqualis causa cū perfectiori instrumento, perfectius operatur, ut in scribente eodem per calamū meliore patet. Ergo siue dicamus, intellectū esse causam principalem, lumē vero instrumentalē; aut ē contrario; siue dicamus neutrū esse instrumentum alteri⁹, sed esse duas causas subordinatas ad eundē effectū per modū vnius concurrentes, semper fatendū erit, ab intellectū perfectiori, cū æquali lumine perfectius Deum videri. Accedit quod simile quiddā nunc re ipsa videatur accidere, in actibus dei; qui ceteris paribus perfectius eliciuntur ab intellectū perfectiori.

Sed contraria sententia S. Thomæ est verior, vt dictum, & retinenda. Fundamentum Theologicum & a posteriori est. Quia alioqui primum, beatitudinis simpliciter non responderet meritis, & gratiæ huius vitæ. Fore enim beatior intellectus naturaliter perfectior, cum æqualib⁹ meritis: nisi quis dicat, aut Deū miraculose concursum suum subtracturum, stante æqualitate luminis, ad perfectiorem visionem; si quo casu habens perfectiorem intellectum, non haberet merita maiora; aut lumen gloriæ non respondere meritis & gratiæ huius vitæ: quorum utrumque est absurdum: primum, quia ea ratione connaturalis agendi modus in beatis, præter consuetum & decentem naturæ ordinem, impeditur: secundum; quia non solum est contra communem Doctorum sententiam; sed etiam quia cum ipsum per se lumen gloriæ sit maximum bonum & ornamentum, ac etiam primum & perfectio beatorum; cui nulla perfectio naturalis æqui, æquiparari potest; sequeretur, habentē perfectiorem intellectum, eo casu fore deterioris conditionis, & absolute minus primum recipere, quam recipiat is, qui cum minore perfectione naturali intellect⁹ accipit maius lumen gloriæ.

Rationem eiusdem assertionis à priori regre mihi exposuisse videtur Suarez loco citato. Quia vel intellectus beati concurrit ad visionem solum per potentiam actiuum, supernaturalem, nullam videlicet habens in se actiuitatem naturalem ad visionem, ut quidem sentit ipse Suarez; & tum negatur maiorem esse actiuitatem in intellectu profectiori respectu visionis, si lumen æquale sit; cum potentia obediens.

obedientialis actua non sit minor in intellectu imperfectori : vel intellectus creatus concurrit ad visionem per potentiam & actitatem naturalem, vt nos docuimus dub. praece. & tum est quidem actititas maior perfectioris intellectus, respectu etiam ipsius visionis, sed solum incompleta & imperfecta ex suo genere ; ita vt ex se, nisi aliunde perficiatur, nec mediatae, nec immediatae quicquam conferat ad effectum visionis : sed solum quatenus & in quantum elevarat à lumine gloriae : qua de causa etiam nihil ipsa conferre potest ad maiorem & perfectiorem visionem, stante æquali lumine. Siquidem vniuersum perfectio operationis seu effectus non crescit, crescere actitatem principij, seu causa adæquate sumptæ (sive principalis illa sit, sive instrumentalis) nisi causa illa ex se conferat, vel ad partem aliquam effectus, vt est partialis concursus tractonis, vel ad aliquid præsumt effectui, à quo perfectio effectus dependet, vt sunt instrumenta artis respectu effectus artificialis. Quod si neutrum accidat, vt sit in praesenti, tum perfectio maior instrumenti nihili uuat ad perfectorem effectum. Ut si duo scribae, quorum alter in ea arte perfectior, non ex se scribant aliquid, sed totum vt moti à manu perfectioris scribæ, tunc enim scripturæ elegantia & perfectio respondet solum manui regentis, non arti manus, qua regitur.

Atque idem seruat proportione, dicendum est de omnibus actibus supernaturalibus, etiam huius vitæ : in quibus tamen hoc est discrimen, quod in hac vita auxilium supernaturale, quo actititas intellectus seu potentiae completur, non solum est habitus præexistens ipsius virtutis, sed etiam auxilium actualis gratia : quo sit etiam, vt actus elici possint intensiores ipso habitu præexistenti ; quod in patria, vbi habitus operatiui crescere amplius nō possunt, iuxta legem à Deo constitutam, non accidit. Quod vero in specie ad fidei actus pertinet, nō sunt iij per se ac in se perfectiores respectu perfectioris intellectus, carteris paribus: et si actus qui præsupponuntur fidei, vt est naturale iudicium de credibilitate fidei, item apprehensionis terminorum &c. soleant esse perfectiores in perfectiori intellectu : qua ratione, etiam per accidens conferre potest perfectior intellectus ad concipiendum perfectorem fidei assensum, vt recte etiam Suarez & Vasquez locit. E quibus etiam patet Responsio ad fundatum contraria sententia.

Assertio VI. Diuersitas visionis beatificæ, quoad perfectionem intentionis sive claritatis adæquate respondet, tum simili diuersitati luminis gloriae, velut rationi & causa immedia-
tæ, tum diuersitati meritorum, seu gratiae & charitatis huius vitæ, velut causa mediatæ. Ita Sanctus Thomas hic quest. 12. artic. 6. & omnes citati pro præcedenti assertione. Et colligitur ex dictis. Quia cum lumen gloriae sit causa immediate effectiva visionis, cui absolute etiam secundum intentionem proportionatur visio, vt & ipse etiam concursus actualis Dei ad eandem visionem, negari non potest eam-

esse immediatam causam eius diuersitatis, qua est in visione secundum intentionem. Et quia rursum essentialis beatitudo, qua in visione consistit, proportionæ quadam responderet meritis huius vitæ, sive, vt fit in adultis, meritum locum habuit ; seu vniuersum tum in illis, tum in ipsis etiam parvulis, qui carent meritis, intentioni gratiae iustificantis ac charitatis huius vitæ, vt suo loco in 1. 2. docetur ; ideo etiam diuersitas visionis beatificæ, secundum intentionem seu claritatem mediate responderet meritis, seu intentioni gratiae & charitatis huius vitæ : ita vt qui æqualem gratiam sanctificantem ac charitatem (qua itidem aut est ipsa gratia sanctificans, aut gratia sanctificanti responderet) in hac vita haberunt, æquale etiam lumen gloriae, ac proinde etiam æqualem visionem beatificam quoad intentionem & claritatem, habituri sint. Eodemque etiam modo intelligendum est Concilium Florentinum citatum assert. 1. quod vniuersum in meritorum diuersitatem visionis inæqualitatem refert. Quomodo vero visio beatifica etiam variari in beatis possit per respectum non ad principale obiectum, seu ipsam essentiam diuinam (de qua re hactenus actum) sed ad obiecta secundaria, nimirum creata, inferius dicetur dub. 9.

Assertio VII. Non obstante inæqualitate visionis, beati omnes habent appetitum tum naturalem, tum etiam elicitem, respectu eiusdem visionis perfecte satiatum. Est communis, & colligitur ex psalm. 16. v. 51. *Satiabor cum apparuerit gloria tua.* Ratio sumitur ex dictis. Quia naturalis appetitus, seu capacitas propinquæ visionis responderet lumini gloriae, cui adæquatæ visio, vt dictum : elicitus vero tum regulæ diuinae voluntatis, à qua beati nunquam desciscunt, nec omnino possunt desciscere ; tum proportioni charitatis, adeoque ipsius luminis gloriae, vt docet etiam S. Thomas hic quest. 12. a. 6. plura de hac re in 1. 2.

D V B I V M VI.

Vtrum Deus etiā comprehendendi possit ab intellectu creato; & in quo hac incomprehensibilitas DEI consistat.

S. Thom. 1. p. q. 12. a. 7.

N Otandum primò. Comprehensionis vocabulum à sensibus ad intellectum traductum, duobus modis accipi, vt optimè notauit S. Thomas hic q. 12. artic. 7. ad 1. Primò latè, vt opponitur insecuritati, & aliud non est, quam consecutio seu adpetio rei, quam quis insecurus fuit. Secundò strictè, quatenus significat aliquid includi à comprehidente. Quod ad intellectum relatum, nihil aliud est, quam cognitio rei adeo perfecta, vt sit etiam totalis & obiecto adæquata. Ad quem modum etiam dixit S. Augustinus lib. 12. de ciuitat. Dei capit. 18. *Quidquid scientia comprehenditur, scientis cognitione finitur.* De compre-